

大
小
不
作
陪
祭
猶
吠
時
天
地
合
木
雞
啼
後
祖
燈
輝
一
年
光
景
今
宵
盡
萬
里
更
無
人
未
歸
見
前
一
衆
盡
是
他
鄉
之
客
卽
今
歲
盡
年
窮
如
何
得
便
歸
家
去
師
云
闇
梨
家
在
什
麼
處
進
云
僧
問
藥
山
學
人
擬
欲
歸
鄉
時
如
何
山
云
汝
父
母
徧
身
紅
爛
臥
在
荆
棘
林
中
汝
歸
何
所
意
旨
如
何
師
云
愁
人
莫
向
愁
人
說
進
云
僧
云
恁
麼
則
不
歸
去
也
山
云
切
須
歸
去
汝
若
歸
去
我
示
汝
箇
休
糧
方
僧
便
請
山
云
二
時
上
堂
不
得
咬
破
一
粒
米
又
且
如
何
師
云
藥
山
老
漢
得
恁
麼
老
婆
心
切
處
師
云
闇
梨
要
問
長
老
」
啞
邢
僧
便
退
他
老
婆
心
切
處
師
云
闇
梨
要
問
長
老
」
啞
邢
僧
便
退

C40-45

C40
4514
(184)

B 64853



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

愚菴及輩而吾家之文

C40
4514
(184)

0 6403

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C40-4514

巴釐牙

除夜小參僧問芻狗吠時天地合木雞啼後祖燈輝
一年光景今宵盡萬里更無人未歸見前一衆盡是
他鄉之客卽今歲盡年窮如何得便歸家去師云闇
梨家在什麼處進云僧問藥山學人擬欲歸鄉時如
何山云汝父母徧身紅爛臥在荆棘林中汝歸何所
意旨如何師云愁人莫向愁人說進云僧云恁麼則
不歸去也山云切須歸去汝若歸去我示汝箇休糧
方僧便請山云二時上堂不得咬破一粒米又且如
何師云藥山老漢得恁麼老婆心切進云且那裏是
他老婆心切處師云闇梨要問長老口啞那僧便退

C40

4514

(184)

64853

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

師云芻狗吠時天地合木雞啼後祖燈輝一年光景
今宵盡萬里更無人未歸好大衆古人與麼道只要
你直下識取自家城郭免見倚他門戶傍他牆剛被
時人喚作郎久參先德不隔絲毫後學初機宜加審
細豈不見僧問藥山學人擬欲歸鄉時如何山云汝
父母徧身紅爛臥在荆棘林中汝歸何所僧云恁麼
則不歸去也山云却須歸去汝若歸鄉我示汝箇休
糧方僧便請山云二時上堂不得咬破一粒米若喚
作休糧方正是還鄉曲謂是還鄉曲又道休糧方老
藥山赤心片片憫物垂慈其奈十箇有五雙蹉過至

竟不解知歸逗到彌勒下生轉見流離孤苦長沙和尚道我若舉揚宗教法堂上艸深一丈事不獲已向諸人道盡十方世界是沙門一隻眼雪峰又道盡大地撮來如粟米粒大到這裏不敢望汝別縣慧日獨振玄風但向古人鶻臭布衫上知些子氣息一年三百六十日一日朝昏十二時東廊上西廊下穿僧堂入佛殿揔是到家時節轉山河國土歸自己轉自己歸山河國土如壯士展臂不假他力天上人間縱橫各各又添一歲莫將有事爲無事爭是爭非空白頭自在苟或未然鳥飛兔走臘盡春回明朝慶賀新陽

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

復舉僧問洞山寒暑到來如何廻避山云何不向無
寒暑處去僧云如何是無寒暑處山云寒時寒殺閻
梨熱時熱殺閻梨師云洞山老漢與麼答話非唯罷
侗真如亦乃瞞預佛性忽有問隆教寒暑到來如何
廻避也只答他道何不向無寒暑處去更問如何是
無寒暑處和聲便打若是識痛癢漢管取出離五行
三界

淨慈入院小參僧問日可冷月可熱衆魔不能壞真
說如何是真說師云風動鹿飛鴉鳴鵲噪進云欲識
水明青門前一湖水枯却門前一湖水如何是永明

吉師豎起拂子進云卽此用離此用師放下拂子又
俗士問弟子欲出離生死如何用心卽得師云無心
可用卽離生死進云卽心是佛又且如何師云心空
卽是佛有心卽非佛士擬議師便喝乃云馬祖百丈
已前無住持事道人相尋于空閒寂寞之濱其後雖
有住持王臣尊禮爲人天師今則不然掛名官府如
有戶籍之民此晦堂不赴大鷗之招而致斯語觀此
則知住持之道那時已是不堪著眼了也更教看着
今時做處也好慙惶煞人明教謂住持者持其法使
之永住而不滅所以法隨法行法幢隨處建立永嘉

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

感音文獻書影錄卷之二

四

道建法幢立宗旨明明佛勅曹溪是世降俗末名存
寃亡大法凋瘵無甚今日山僧道慙涼薄行愧荒疎
誓欲深藏岩壑隱遯過時悞蒙柱國丞相不忘靈山
付囑遠勞使命推輓來此住持是猶使蚊負山蟬螂
怒臂以當車轍却不似法燈和尚道爲緣先師有未
了公案出來爲他了却所謂王臣尊禮爲人天師建
法幢立宗旨則吾豈敢雖然南屏勝地衲子淵藪人
能弘道非道弘人佛運垂秋宗綱委地冀諸勝衆勑
力匡持弘贊法社驕拈拄杖你有拄杖子我與你拄
杖子你無拄杖子我奪却你拄杖子卓拄杖云三級
浪高魚化龍癡人猶戽野塘水復舉德山小叅示
衆云今夜不答話問話者三十棒時有僧出禮拜山
便打僧云某甲話也未問爲甚打某甲山云你是甚
處人僧云新羅人山云未跨船舷好與三十棒後來
法眼益云大小德山話作兩橛圓明密云大小德山
龍頭蛇尾雪竇拈云二尊宿雖善裁長補短捨重從
輕要見德山老漢亦未可在何故殊不知德山握閻
外之威權有當斷不斷不招其亂底劔諸人要識新
羅僧麼只是撞着露柱底瞎漢師云這箇公案諸方
老宿每至小叅未嘗不拈出註解一上雖則各資一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

獻和齋詩譜錄卷之二

五

路未免所見不同互有得失法眼云話作兩橛易分
雪裏粉難辨墨中煤圓明云龍頭蛇尾只見波濤湧
不見海龍宮雪竇道德山握閻外之威權有當斷不
斷不招其亂底劔正是扶強不扶弱殊不知大小德
山當斷不斷自招其亂諸人要識這僧鶴子過新羅
解制小參舉東山和尚示衆云百鍊黃金鑄鐵牛十
分高價與人酬庭前不有花含唉又是東山一夏休
亦成一偈舉似大衆鼻孔撩天水牯牛鐵鞭三百未
輕酬溪東牧了溪西牧又是南屏一夏休

冬至小參僧問說法不應機總是非時語如何是應

機底法師云汝问我答進云生死交謝寒暑迭遷如
何是不遷義師云冬至寒食一百五乃云羣陰欲去
未去之際一陽欲生未生之時代鼓鼓以考鴻鐘會
人天而提祖令今夜不說菩提涅槃真如解脫不說
卽心卽佛非心非佛不是心不是佛不是物洞山掇
退果卓祭鬼神茶飯阿誰肯喫慈明揭榜堂前弄胡
孫家具唉殺傍觀又手進前進前又手奴見婢慙慙
天寒人寒大家在這裏無孔鐵椎魯公臺上書雲漢
女宮中測日知時識節却堪持論自餘立機立境行
棒行喝全鋒敵勝同死同生正按傍提橫來豎去和

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

泥合水截鐵斬釘七十三八十四等是鬼家活計於
諸人分上料掉沒交涉喝一年三百六十日四時八
節春了夏夏了秋秋了冬不覺不知過了三百六十
日明朝便是冬至前來許多絡索既是總用不著自
已分上合作麼生喝點鐵化爲金玉易勸人除却是
非難

靈隱平山林和尚對靈小參正法眼藏涅槃妙心廓
三際以無去無來洞十虛而非中非外諸佛知之而
獨用衆生日用而不知故我靈隱堂上平山和尚亦
手提持袒肩擔荷權實照用俱備擒縱殺活皆全五

處住山風行草偃王臣爲之斗仰魔外爲之冰消塵
塵刹刹普見威權物物頭頭全彰奇特高超十地迥
出三乘有時拈一莖草作文六金身有時將丈六金
身作一莖草於一毫端現寶王刹坐微塵裏轉大法
輪出沒卷舒縱橫自在以此穿三世諸佛鼻孔以此
換歷代祖師眼睛以此坐天下善知識舌頭以此斷
叢林衲僧命脉以此造無間業鑊湯鑪炭刀山劍樹
碓搗磨磨爲一切人抽丁拔楔解粘去縛以此開耳
露門示耳露器令諸衆生入耳露室食耳露味機機
透脫法法融通末後全提甚生光彩聲前非聲色後

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

惠林方禪師詩錄卷之六

非色蚊子上鐵牛無你挿背處直得飛來峰起舞三
臺西子湖動搖六震正與麼時是汝諸人還知老和
尚落處麼卓拄杖云煩惱海中爲雨露無明山上作
雲雷復舉世尊涅槃會上摩賈告衆云汝等當觀
吾紫磨金色之身瞻仰取足無令後悔若謂吾滅度
非吾弟子若謂吾不滅度亦非吾弟子師云釋迦老子
四十九年三百餘會說法如雲如雨大機大用千
聖窺覲不及萬靈捫摸無由因甚逗到涅槃會上一
箇渾身不解作主直至摩賈告衆普請觀瞻當時衆
中忽有箇皮下有血出來道咄瞿曥瞿曥沒處去沒
處去非惟進且無門退亦無路管取求生不得生求
死不得死淨慈今夜不是壓良爲賤檢點將來爭似
我平山和尚五會說法高聳人天撒手去來斬丁截
鐵拍禪床云踏碎虛空赤脚行十方世界阿刺刺
冬至因事小參千載南屏古道場目前無法可論量
羣陰銷盡陽生也四海同瞻化日長如是則鐘鼓山
林依舊太平氣象維新人人脚跟下輝大寶光箇箇
頂門上開正法眼鵠噪鴉鳴深談實相牧謳漁唱共
演真乘當頭坐斷八面玲瓏正令全提十方通暢有
時奪人不奪境有時奪境不奪人有時人境兩俱奪

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

有時人境俱不奪臨濟大師滿肚無明通身擔板要
且費力不少居一切時不起妄念於諸妄心亦不息
滅住妄想境不加了知於無了知不辨真實釋迦老
子釘椿搖櫓抱橋柱澡浴有什快活處山前一片閒
田地又手丁寧問祖翁幾度賣來還自買爲憐松竹
引清風老東山雖則熟處難忘却較些子忽有箇衲
僧出來道長老長老恁麼也得不恁麼也得喝和泥
合水漢不見道時人住處我不住時人行處我不行
不是與人難共住大都緇素要分明復喝一喝復
舉僧問古德萬境來侵時如何德云莫管他師云萬

境來侵莫管他情塵瞥起便周遮大圓寶鑑明如意
漢現胡來等不差

除夜小參一年三百六十日今當極盡之夜諸人還
猛省麼是日已過命亦隨滅如少水魚斯有何樂真
淨和尚云唯二乘禪定寂滅爲樂是爲真樂學般若
菩薩法喜禪悅爲樂是爲真樂三世諸佛慈悲喜捨
四無量心爲樂是爲真樂石霜普會云休去歇去冷
湫湫地去是謂二乘寂滅之樂雲門云一切智通無
障礙拈起扇子云釋迦老子來也是謂法喜禪悅之
樂德山棒臨濟喝是謂三世諸佛慈悲喜捨之樂除

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

此三種樂外不爲樂也喝老雲菴慈悲之故有落草之談雖則扶他先作未免簧鼓後昆若是羅籠不住呼喚不回逸格變通底灼然別有生涯決不依他作解不見神鼎禋禪師道是日已過命亦隨滅如少水魚有何不樂便恁麼去可殺省力教中謂之隨順覺性成法破法皆名涅槃智慧愚癡通爲般若菩薩外道所成就法同是菩提無明真如無異境界諸戒定慧及淫怒癡俱是梵行地獄天宮皆爲淨土有性無性齊成佛道喝清平世界切忌訛言釋迦老子教壞人家男女合與二十拄杖放過則且寘若要依而行

之直須寔到這箇田地始得山僧從年頭至年尾未嘗不以此一著子爲汝諸人然終不敢錯誤諸人一毫許蓋爲各各眼橫鼻直脚踏地頭頂天其奈異生見解我執不同又爭恠得大凡小叅謂之家教今夜不惜口業更爲諸人舉話普請大家證入如何是佛麻三斤如何是佛乾矢橛喝一喝復舉僧問香林如何是衲衣下事林云臘月火燒山應菴和尚云香林恁麼道老鼠入牛角有問歸宗只向道明年更有新條在惱亂春風卒未休師云潦倒香林錯下名言未免遭人點檢臘月火燒山與他衲衣下事有甚麼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

干涉直饒應菴道明年更有新條在惱亂春風卒未
休也未夢見他衲衣下鶴臭氣在

再住徑山小參僧問大慧和尚昔日再住此山有云
去是住時因住是去時果去住與果因無可無不可
且如何是去是住時因師云五九盡日定逢春進云
如何是住是去時果師云飯顆山頭逢杜甫進云去
住與果因無可無不可還端的也無師云這裏是甚
麼所在說去說住說因說果又有僧問如何是真如
佛性師云徑山門下無這般閒家具進云鹽官道一
切衆生有佛性爲山又道一切衆生無佛性未審有
之與無孰是孰非師云是則總是非則總非進云和
尚大善知識何得儼侗真如瞞預佛性師云老僧入
院事煩乃云去是住時因住是去時果去住與果因
無可無不可喝這裏是什麼所在說去說住說因說
果說可說不可雖然如是這裏却有箇好處且道好
在甚麼處良久云再理舊詞連韻唱村歌社舞又重
新驂拈拄杖大慧祖師來也大慧好處山僧與麼舉
似彼此共知好則好且道還有爲人處也無愚菴固
是無些子好處忝爲大慧的孫也要與諸人露箇消
息去住休論果與因拈拄杖云一回拈起一回新卓

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

拄杖若知撲落非他物擲下拄杖始信縱橫不是塵
復舉乾峰示衆云舉一不得舉二放過一著落在第
二師云乾峰與麼道入地獄如箭射畢竟如何二由
一有一亦莫守日午打三更面南看北斗

除夜小參僧問如何是先照後用師云拈起少林無
孔笛等閒吹出萬年歡進云如何是先用後照師云
彌弓已挂狼煙息萬里歌謡賀太平進云如何是照
用同時師云泥牛吼處天關轉木馬嘶時地軸搖進
云如何是照用不同時師云猶握金鞭問歸客夜深
誰共御街行進云今歲今宵盡明年明日催如何是

不屬陰陽消長一句師云待凌霄峰點頭卽向汝道
乃云今歲今宵盡世事悠悠何時而盡明年明日催
只知事逐眼前過不覺老從頭上來寒隨一夜去去
去實不去春逐五更來來來實不來既是寒隨一夜
去且如何說箇去去寔不去春逐五更來又如何說
箇來來寔不來合水和泥豈堪持論斬丁截 木稱
全提北禪分歲烹露地白牛遭人追納皮角平地造
妖捏怪徑山今夜小參與諸人聚集片時雖則尋常
事例也是醉後添盃東山演祖云汝等諸人見山僧
豎起拂子便作勝解及乎山禽聚集牛動尾巴却作

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

等閒殊不知檐聲不斷前旬雨電影還連後夜雷阿
呵呵會也麼甜瓜徹蒂甜苦瓠連根苦達磨大師非
是祖復舉僧問雲門如何是雲門一曲門云臘月
二十五僧云唱者如何門云且緩緩師云雲門一曲
村歌社舞足可施呈較之黃鍾大呂白雪陽春大欠
音律在今夜忽有問如何是徑山一曲只向道臘月
二十九唱者如何明年更有新條在惱亂春風卒未
休且道與雲門相去多少拍禪床下座

結夏小叅僧問纔過中春又逢首夏依時及節句乞
師直指師云薰風自南來殿閣生微涼進云僧問雲

門如何是諸佛出身處門云東山水上行圓悟道薰
風自南來殿閣生微涼老妙喜因甚向這裏悟去師
云聽事不真喚鐘作甕進云和尚今日舉揚學人何
不解悟師云汝迷來多少時也乃云九旬禁足魚投
網三月安居鳥入籠生殺盡時蠶作繭如何透得這
三重以拂子敲禪床三下云向這裏一時透取好白
雲端和尚云古人留下一言半句未透時撞著鐵壁
相似忽然一日覲透後方知自己便是鐵壁棒打石
人頭曝曝論實事復敲三下云這裏透得徹去踏破
天關掀翻地軸肩橫日月背負須彌只恐不是玉是

玉也大奇又敲三下云這裏透不徹去亦能受用自
在如龍得水似虎靠山人皆苦炎熱我愛夏日長薰
風自南來殿閣生微涼任運流入薩婆若海這條通
天活路千聖共行雖不可以告人要且瞞諸人一點
不得然則功多業熟職到威成若是恁麼人方明恁
麼事喝五陵公子遊花慣未第貧儒感慨多冷地看
他人富貴等閒無奈幞頭何復舉大愚芝和尚示
衆云大家相聚喫莖虀若喚作一莖虀入地獄如箭
射大眾還知大愚爲人處麼聽取一頌有口不吞三
世佛大家相聚喫莖虀雖然冷淡無滋味一飽能消

萬劫飢

冬至小參僧問道遠乎哉觸事而真喚甚麼作真師
云千年無影樹進云聖遠乎哉體之卽神喚甚麼作
神師云今時沒底靴進云羣陰欲去未去之際一陽
欲生未生之時還有佛法也無師云鐘作鐘鳴鼓作
鼓響進云今古應無墜分明在目前師云莫眼花僧
禮拜師乃云恁麼恁麼猢猻弄繚膠不恁麼不恁麼
鯷跳不出斗恁麼中不恁麼識取鉤頭意莫認定盤
星不恁麼中却恁麼捉得玉麒麟元是金師子驕拈
拄杖云還見麼又卓云還聞麼聞見分明是箇什麼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

東都文獻館藏

不是心不是佛不是物釋迦掩室於摩竭耳朶兩片
皮淨名杜口於毗耶牙齒一具骨冷水浸冬瓜大家
廝鶻突時耐箇周金剛不識好惡見僧入門便棒臨
濟小廝兒不分緇素見僧入門便喝諸佛出世以訛
傳訛祖師西來將錯就錯各各分上誰不丈夫伶俐
者聞與麼道笑破娘生鼻孔偈譯者轉見無繩自縛
所以道般若如大火聚近之則燎却面門又如師子
筋琴撫之則羣音頓絕山僧今夜坐地待你搆取搆
得搆不得未免喪身失命喝如我按指海印發光汝
暫舉心塵勞先起雖然如是善舞太阿終不自傷其

手放一線路有箇商量劃柱杖云羣陰剝盡又劃云
一陽復生五髻彩雲呈瑞九霄紅日添長隨緣自在
任運徜徉會得山門朝佛殿定知厨庫對僧堂復
舉鴻山示衆云仲冬嚴寒年年事晷運推移事若何
仰山叉手進前立鴻云我情知你答者話不得却問
香嚴嚴云某甲偏答得者話鴻山理前問嚴進前叉
手立鴻云賴遇寂子不會師云叉手進前進前叉手
描也描不成畫也畫不就老鴻山真傑斗肩一不宵
一舌頭不出口父子雖親妙不傳八角磨盤空裏走
除夜小參時節易過大年夜瞽爾到來心地未明諸

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

仁者急著精彩萬法是心光諸緣唯性曉本無迷悟人只要今日了蘇武牧羊海畔長日欣然李陵望漢臺邊終朝笑發東村王老夜燒錢忙者自忙閒者閒東方甲乙木一則三三則一趙州東壁掛胡蘆觀音院裏有彌勒復舉浮山和尚除夜示衆云老矣聊隨粥飯緣浮山無法與人傳夜深各自歸堂去放下情懷且過年浮山老人與麼提唱美則美矣要且無爲人處徑塢輒廢一偈切希聽取海衆同居結淨緣少林消息本無傳寒來暑往誰相委莊再浮生又一年

吳江張伯琮薦母請對靈小參師云通上徹下迥絕羅籠匝地普天了無朕迹不是心不是佛不是物三乘由之而建立五性自此而區分可以起死回生可以轉凡成聖可以拔苦與樂可以轉女成男可以回三毒爲三聚淨戒轉六識爲六波羅蜜回煩惱爲菩提轉無明爲大智如是則成法破法皆名涅槃智慧愚癡通爲般若盡十方世界是唯心淨土盡十方世界是本性彌陀盡十方世界是大解脫場盡十方世界是妙莊嚴城無邊刹境自他不隔于毫端十世古今始終不離於當念教中道一念普觀無量劫無去

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

慧林寺禪師語錄卷之六

七

無來亦無住如是了知三世事超諸方便成十力淑
 真安人與麼會得便知四十九年前由此一念而生
 生無所生人間天上任縱橫四十九年後由此一念
 而滅滅亦非滅千江有水千江月生滅二圓離紅爐
 飛白雪正恁麼時諸人還知淑真安人歸根得旨底
 消息麼豎拂子看看無量壽世尊卽今在拂子頭上
 現無量廣大神通放無量妙寶光明奏無量妙寶音
 樂散無量妙寶香花樹無量妙寶軒蓋與我淑真安
 人竝駕齊驅攜手同歸極樂世界去也可謂殊勝中
 殊勝奇特中奇特顧左右云天碧太湖三萬頃分明

八德藕花池

浮土菴比丘寂慶助銀壹兩
 天宮寺比丘宏機助銀壹兩刻
 愚菴及禪師語錄第六卷
 佛弟子王大穀助寫費松陵非仲張雋對
 長洲金之龍書自聞道人蔣成榮刊
 崇禎二年己巳歲佛歡喜日姑蘇兜率園識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

愚菴及禪師語錄卷之七

門人

寶盈

編次

頌古

世尊初生

謾歷僧祇曠劫修禍胎又復降閻浮至今醜惡難遮
掩突出雲門拄杖頭

外道問佛

皓月當空似鑑圓塵毛刹海照無偏迷雲散盡搏桑
曉桂殷孀娥怨未眠

文子出定

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

捲之三

出得出出不得商量徒苦辛千年桃核裏覓甚舊時人
殃窟摩羅持鉢

瞿曇具正徧知尊者豈無二昧母子兩得分解非干
別人之事

翁賓國王斬師子尊者

利劍斬春風虛空展唉容未明三八九宿對一重重
達磨面壁

九年面壁訪知音畢竟同誰話此心三拜起來依位
立丈夫膝下有黃金

盧陵米價

盧陵米作麼價此語流傳遍天下佛法大意只這是
衲僧不用生疑怪

石頭云恁麼也不得不恁麼也不得恁麼不恁
麼摠不得

諸佛心要列祖玄關至簡至易難之又難

馬祖三十年不少鹽醬

自從胡亂後不曾少鹽醬有甚閒消息寄與讓和尚
龐居士問馬大師不與萬法爲侶者是什麼人
大師云待汝一口吸盡西江水識浪情波徹底乾截斷老龐三十
一口吸盡西江水識浪情波徹底乾截斷老龐三十

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

舌倚天長劍逼人寒

百丈再參馬祖

當機一喝怒如雷誰道精金色不回直得耳聾并吐
舌三玄戈甲火中裁

國師三喚侍者

國師徹底老婆心侍者真鎗不博金寄語傍花隨柳
客養兒方識父恩深

南泉心不是佛智不是道

心不是佛智不是道夜雨滴空階春風吹百草本無
迷悟人只要今日了

南泉平常心是道

平常心是道親切爲君宣瞽爾情生也何由脫蓋纏

趙州訪臨濟

丙來祖意觸處分明趙州洗脚臨濟側聆

趙州訪茱萸

曹溪正脉古猶今拄杖如何探淺深莫道茱萸無一
滴趙州直下被平沉

趙州勘婆

善舞太阿劍決無傷手瓦慣編猛扇須必有全身策
勘破臺山臭老婆打失當頭箇一著

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

趙州有佛處不得住

無奈雪霜寒怕見楊花落打破趙州關清風滿寥廓

趙州狗子無佛性

趙州狗子無佛性三世如來不見蹤昨夜含暉亭上望青山倒影月明中

趙州問南泉知有底人向什麼處去泉云山前檀越家作一頭水牯牛去州云謝師答話泉云昨夜三更月到窓

水牯水牯皮好靚鼓角好吹嗚哩嗚昨夜三更月到窓天上日輪正卓午

青州布衫

萬法歸一一歸何處寧可截舌不犯國諱青州布衫重七斤千手大悲提不起提得起也大奇等閒掛向肩頭上大勝時人著錦衣

無業國師云若一毫頭凡聖情念未盡不免入驢胎馬腹裏去白雲端和尚云設使一毫頭凡聖情念淨盡亦未免入驢胎馬腹裏去

佛祖位中無住著人天路上絕躋扳驢胎馬腹埋頭入一片閒雲任徃還

鎮州蘿蔔

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

鎮州出大蘿蔔趙州親見南泉五祖哉松道者洞賓元是神仙

臨濟見僧入門便喝

入門便喝是何宗旨明眼人前一場唉且

德山見僧入門便棒

入門便棒是甚機用趨得老鼠打破油甕

三聖逢人則出出則不爲人興化逢人則不出
出則便爲人

張公賣醋李公賣鹽道路各別養家一般

臨濟兩堂首座齊下喝

兩堂喝下主賓分點鐵成金豈易論父子不傳真妙
訣嘉聲千古振乾坤

德山托盃

鐘未響兮鼓未鳴德山托盃下堂去雪嶠連忙喚得
回岩頭密啓深深意不了目前機寧論末後句果然
遷化恰三年疑殺禪和萬萬千

洞山云言無展事語不投機承言者喪滯句者
迷

解唱非關舌能言不是聲干戈才偃息四海樂清平

雪峰望州亭相見

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

周易文獻卷之二

五

鵝湖歸方丈保福入僧堂望州烏石嶺何處覓曾郎
玄沙見新到才禮拜沙云因我得禮你

目前無閻梨座上無老僧因我得禮你錯認定盤星

玄沙三種病人

釣魚船上謝三郎攬得江湖沸似湯檢點衲僧三種
病不知自病入膏肓

玄沙云若論此事喻似一片田地四至界分一
契賣與諸人了也只有中心樹子猶屬老僧在
祖翁田地中心樹柱地擰天價莫論賣與買人誰是
上清陰留取覆兒孫

靈雲見桃花

武陵源上東風裏欸乃歌聲逐流水回首仙蹤不可
尋桃花亂落如紅雨

明招虎生七子

無尾於菟氣食牛是誰全放復全收李將軍有嘉聲
在射著元來是石頭

普化明頭來明頭打

普化搖鈴鐸曾郎輶木毬虛空放紙鵠線斷一時休

興化打克賓

大覺堂前遭痛棒衲衣卸下急翻身分明有理難伸

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

訴法戰場中打克賓

興化上堂云今日不用如何若何便請單刀直入興化與你證據時有旻德長老出衆禮拜起便喝化亦喝德又喝化又喝德禮拜歸衆化云適來若是別人三十棒一棒也較不得何故爲他旻德會一喝不作一喝用

龍驤扇驟電激雷奔一挨一拶搖乾蕩坤冰稜上度過九鞠劍刃上拾得全身選佛若無如是眼宗風那得到于今

僧問興化四方八面來時如何化云打中間底

僧便禮拜化云昨日赴箇村齋回來中路撞著一陣卒風暴雨却向古廟裏閃避得過

鬧處靜峭靜處鬧浩浩古廟裏藏身咄哉興化老風吹不入雨打不濕四方八面絕遮攔中間猶隔萬重山好把一枝無孔笛夜深吹過汨羅灣

夾山示衆云目前無法意在目前不是目前法

非耳目之所到

直下會來猶未是才生分別轉諸訛休將支遁池中鶴喚作山陰道士鶩

雲門須彌山

雲門禪在口皮邊靈利師僧會轉難突出須彌橫海上從教日月自循環

雲門大師云聞聲悟道見色明心作麼生是聞聲悟道見色明心乃云觀音菩薩將錢買胡餅放下手元來却是饅頭

吹盡風流大石調唱徹富貴黃鍾宮舞腰催拍月當曉更進蒲萄酒一鍾

瑞岩喚主人公

潦倒瑞岩無別法尋常但道惺惺著凡聖由來共一家誰是主人誰是客

雲門示衆云世界恁麼廣闊爲什麼鐘聲披七條

聲來耳畔何須較耳到聲邊不用論披起七條全體現更於何處覓聞聞

首山竹笠

首山舉起竹箆衲子休分背觸喚作一物不中擬議橫屍露骨

僧問乾峰十方薄伽梵一路涅槃門

十方薄伽梵一路涅槃門華嶽連天秀黃河徹底渾芭蕉拄杖

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

芭蕉拄杖子分明爲君舉拿也未嘗奪與亦何曾與
放在臥床頭急要打老鼠

羅山送同行矩長老

幾年湖海共參尋惜別如何話此心生鐵蒺藜當面
擲二千里外有知音

僧問風穴語默涉離微如何通不犯穴云常憶
江南三月裏鷓鴣啼處百花香

百花深處鷓鴣啼高下林巒錦繡園滿目春山與春
水笙歌叢裏醉扶歸

汾陽十智同真

千谿萬壑歸滄海八表三邊朝紫宸欲識汾州真面
目重陽九日菊花新

百丈野狐

用盡自己心唉破它人口多遇野干鳴罕逢師子吼
舉道者訪瑤琊

打鼓弄琵琶相逢兩會家禪流爭指註杜撰數如麻
楞嚴經云見見之時見非是見見猶離見見不能及
能及

開眼也著合眼也著黃面瞿曇錯下註腳
楞伽經五法三自性二種無我

枝那

勸善文選卷之七

七

撰述

法性本空不墮諸數虛空亦無何名爲我百非四句
盡掀翻家家門首長安路

法華經云大通智勝佛十劫坐道場佛法不現
前不得成佛道

一念普觀無量劫飢來喫飯困來眠堂堂大道無今
古佛法何曾不現前

頌古終

讚語

門人至寶編次

釋迦出山相

明星瞥見便抽身鼻孔依前搭上唇殃及兒孫無了
日直將北斗作南辰

無量壽佛

願輪赫日繞須彌垂手母忘二六時住世壽元無有
量度生悲智不思議光明遍照恒沙國福慧真成大
導師地獄天宮皆淨土此心只許老胡知

觀音大士

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

惟我大士普現色身而此福聚示以童真一月在天
影含衆水清淨寶日明照無二三界火宅均受熱惱
手甘露枝永矢弗舍我願衆生得正三昧刹刹圓通
塵塵自在

手眼通身福慧無量修因證果上合觀音古佛本妙
圓通拔苦與樂下與法界衆生同一悲仰無機不被
有願必從如谷答響如風行空海岸乾坤自孤絕善
財何處覓靈蹤

從聞思修入三摩地以悲智願行平等慈度一切衆
生實無衆生得滅度者具一切功德是真功德不可

思議不是文殊輕漏泄圓通門戶許誰知

突鬚如雲淡梳洗無底籃盛赤梢鯉東頭賣錢西頭
貴不愁世上無行市三級浪高魚化龍癡人猶岸野
塘水

聞所聞盡空所空滅將錢買胡餅放下却是鐵縣崖
峭壁現自在身月在水中撈得上不將一法繫於人
大士方便力微妙難思議而於一毫端示現文句身
法界諸有情瞻禮仍讀誦言詞相寂滅現前獲圓通
我願未來世修行不退轉具足智方便亦如光世音
八萬四千母陀羅臂提接之悲豈唯四爾法身無相

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

愚菴文集卷之二

七

不墮諸數隨衆生心現一切處一卽一切一切卽一
月印千江春行萬國我觀大士離分別見離性亦無
日面月面

平等垂慈道至公六根互用摠圓通潮回浦面千波
合春透花枝萬卉同悉使癡昏曠慧日普今熱惱灌
清風大悲空盡衆生界依舊扶桑在海東

爲日東禪人贊

四不思議二殊勝兔角龜毛一串穿誰識普門真境
界海天無際月孤圓

跏趺草偃吉祥風玉臉吹香展笑容一念普觀無量
劫羣奴白牯證圓通

蓮葉舟輕苦海深跏趺聽徹海潮音魚龍鰐蟹都成
佛無限平人被陸沈

娑婆教體在音聞復音銷道自尊未許文殊善甄
別十方一路涅槃門

池沼樹林皆演法山河國土共舒光眼聲耳色常三
昧何啻心聞洞十方

維摩居士

神通妙用不思議大似空拳謙小兒試問針鋒持棗
葉何如芥子納須彌觀身實相寧多病杜口無言只
自欺堪嗟靈山三萬衆望風碌碌樹降旗

撰述

總卷之三

三

是病非地大亦不離地大咄哉老古錐開口成話墮不得文殊錯證明至今臥病毗耶城

布袋和尚

百憶分身補處尊囊中別是一乾坤不知說法龍華會畢竟如何建化門

達磨

龍鳳之姿天日之表栖栖暗度江討甚閒煩惱三五回中毒宿債難逃入九年面壁邪禪默照裂髓分皮急轉身不覺全身入荒艸

胷中崖岸千尋險脚下波濤萬丈深十萬西來緣底

事只應梁誌是知音

東西走得脚皮穿敎外何曾有別傳任尔一花開五葉好兒終不使爺錢

羅漢

修行未斷鼠毒法應供母忘信施恩二界塵勞深似海與誰攜手涅槃門

天台智者大師

手把鐵如意作大師子吼一心本空寂三諦亦非有燈籠沿壁上天台驚起法身藏北斗

六世祖師漳南禪人請讚

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

證不滅受達諸法空當朝觸諱有理難容一葦渡江
九年面壁前無釋迦後無彌勒分皮擘髓大振玄風
千峰到獄萬派朝宗

將心來安心無可覓三拜起來依位而立水不洗水
金不博金雲開月現日照天臨積雪沒腰利刀斷臂
仰止風規覺我形穢

「村罪來懺罪不可得證自覺智滅妄想惑藉難備嘗
不動本際命縣一絲燈聯三世毗盧心印銘示後昆
黃河九曲水出峴嶧

脇不著席垂六十年三詔弗起雷動九天道傳嫡衲
最初一句末後一著

老難授道去來奚難捨身受身濁港江邊圓滿德相
具大總持千鈞大法七歲沙彌饅頭邊事不勞拈出
雙峰峩峩青松聳聳

佛性本空豈有南北一句當機青天白日菩提無樹
明鏡非臺三更付法醉後添杯死欵活供來時無口
石上栽花空中結紐

栽松道者

破頭山裏栽松日濁港江邊寄宿時大法一絲縣九

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

鼎去來心事許誰知

李習之叅藥山

雲在青天水在瓶方知見面勝聞名回身失却來時路直向深深海底行

船子和尚

拋却蘭橈覆却舟錦鱗一躍過滄洲釣竿不用重裁竹千古朱涇水倒流

永明智覺禪師

以心爲宗如鏡照鏡一塵不立羣機普應風吹波浪日照光明欲識玄旨翳汝眼睛心外無法鏡中無象

我述讚詞敲空作響

伏虎逢禪師

朗瞻院裏村僧大寂室中逆子盜如來心骨舍利道地白拈陞須彌三佛對談開眼寐語至若攜大扇時入城乞錢買肉馴猛虎帖帖無傷人之意護禁戒則神人嘗跪于前惜檀施不遺洗鉢盂水是皆行業之不可測者或外現而內祕小根魔子豈容擬議宜乎吳越國主特加禮敬節度使爲之大敞其居勑名真際是謂猪頭和尚普覺大師永永真風之不墜者也

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

行化騎虎小像

普覺真身瘞五雲化風籍籍古猶今難教虎沒傷人
意只要人無害虎心

開元和尚方崖禪師

大方無外大圓無內大坐匡床橫揮玉麈發大機千
陽羨谿頭顯大用于闔間城裏峴崩石裂電激雷奔
手面縱橫綽有餘裕穿盡天下衲僧鼻孔不動根本
自然之智澄江淨如練愛謝玄暉念話解識生緣綠
陰生晝寂唉韋應物留題只作境會掀翻寂照門庭
凌滅妙喜家世百巧僧繇邈未真九九元來八十一

古鼎和尚定都管請贊

這尊慈鐵奉化四坐道場眼空佛祖背觸竹篦顛倒
握電掣雷劄縱橫栗棘渾侖吞神憎鬼怖據凌霄峰
作師子吼二十一年言滿天下道滿天下名滿天下
搖籃繩斷露全身大地山河無寸土

貝葉齊比丘照源助銀壹兩

光攝居比丘淨修助銀壹兩刻

愚菴及禪師語錄第七卷

佛弟子王大穀助寫贊

長洲金之龍書

崇禎二年己巳歲佛歡喜日始蘇兜率園

讀

愚菴及禪師語錄卷之七

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

愚菴及禪師語錄卷之八

門人 護位 編次

偈頌

寄大慈學古庭講主

時無量壽院四十行人
同聲華嚴古庭主席

稽首華嚴大法王萬行因華嚴果德破一微塵大
經大慈法力難思議諦觀法界諸有情如來智慧悉
圓滿妄想執著成倒迷如大經卷藏一座種種譬喻
廣演說方便善巧力開示誓令小大咸悟入同入毘
盧華藏海毘盧藏海無有邊功德勝妙亦無量體用
全彰大方廣實無名相而可得八萬四千諸法門由

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

長劫不滅圖鑑卷之六

茲建立所分別一法若有墮凡夫萬法若無失真境
法王稱性熾然說終始未嘗談一字法身大士四十
位聞所聞盡曾不聞方當聞說寂滅時徹證華嚴真
法界乃知出息與入息常轉如是大經卷異口一音
僉讀誦一即是多多卽一徑山說偈徒贊歎大慈法
力讚莫及善哉無量壽道場金碧莊嚴勝無比阿蘭
若法菩提場暗史夜摩靡差別七處九會卽如今一
念三世悉平等前佛後佛等一佛前身後身同一身
稽首法王世希有如佛出世普饒益願言世主千萬
壽金輪法輪永同轉住行向地諸上人世出世間同

法會

過海羅漢圖因如海請題次韻

十八高人學無學伎倆通身用不著鉢盂安柄尙虛
空拄杖和雲挑華嶽天生三毒牢不遷往往對面森
戈鋌看讀荳識白繖蓋默照參得黃楊禪婆竭羅宮
頻出入大龍相招小龍揖只貪龍領得明珠不知裙
子褊衫濕赤腳踏葦如徒步袖手浮杯穩勝航波神
鮫女設供具羞珍異寶爭妍粧到此急須登彼岸主
人翁也勤勤喚弄潮輪與弄潮人豈容名字阿羅漢
了得心身本性空隨波逐浪皆超宗研脛未遭黃檗

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

運誰識瞿曇那一通白晝晴窓開玉軸一唉東風生
意足天台雁宕幾時歸萬壑春雷吼飛瀑

瞎牛歌贈韓公望

公望篤醫中年
日告自獅瞎牛

隔垣見肝膽自彌爲瞎牛我歌瞎牛歌萬象咲點頭
瞎牛兒人莫識曠大劫來無等匹異類中行得自由
眼處聞聲耳觀色瞎牛兒世希有金毛師子喚作狗
祖父田園任力耕異苗靈藥時翻茂瞎牛兒無煩惱
誰管青黃赤白阜一犁新雨隴頭春數聲長笛江村
曉瞎牛兒真快活脚頭脚尾乾坤關鼻孔撩天不著
穿生死無明俱透脫瞎牛瞎牛聽我歌六根互用無

偏頗衆生洞眎只分寸大千刹海菴摩羅

應菴和尚送密菴遺偈蔣山請和

潦倒蘄州子無門爲法門憐兒不覺醜遺墨尚留痕
披卷光零亂搖乾復蕩坤縣知揮灑日硯沼雨翻盆
毒藥醍醐句當機斷命根密菴曾落賺鍾阜莫欽遵
次空室韻贈中竺傑侍者

爾家有祖菴室翁天南地北趨玄風豈但宗通說亦
通肆口說法諸法空下視碌碌皆兒童妙圓不涉空
假中二三四七將無同聲動燄摩覩史官鴻鐘鏗鏗
鼓鼓鼙冢嗣傑出千人鼓等觀禹物垂慈瞳鄧峰靈

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大藏經卷之六

塔慈雲籠佛智燈連廣智公天曆聖代親遭逢如佛
出世福慧光中天調御天人雄利生悲願無有終憤
用熱鐵并洋銅玄沙釣魚在孤蓬石葦生涯唯一弓
弄大旗鼓若揔戎懷哉懶菴心爲恍愛爾入室朱顏
紅浩氣橫空猶蟠螭飽參華夏聲譽隆扶桑歸計休
恩恩千鈞大法在尔躬老我聞見如盲聾

示七閩鼎禪者

叢林秋晚時祖脈絲縣鼎學佛要明心參禪須見性
心空性卽空頭正尾亦正杓折石葦一張弓拈出玄
沙三種病

示嚴州用禪者

但能善用其心則獲勝妙功德乃先聖之格言貴當
人之不惑展開七尺單豎起生鐵脊脚下如臨萬仞
坑腕頭何翅千鈞力前無釋迦後無彌勒昨夜桐江
水逆流釣臺浸爛嚴光石

次中竺韻送元藏主兼東楚石和尚

縱橫筆陣元和脚寫出威音前一著權實昭彰理事
全佛祖讓雄甘小却平地驚翻千歲岩輝煌煌煌尤
赫赫老子全施格外機不比尋常黑豆法藏主道韻
熙春陽况是年華方盛強少室門風苦寥落要須努

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

力揚餘光黃孽何孤打臨濟雲門底事師曾郎叢玉
軒中喜相見十里平湖開鏡面深愧疎慵日應酬攬
得身心一團線先師未了舊公案眼底憑誰爲批判
寄語秦川楚石翁老驥騰驤當血汗

彌首座還嘉禾兼東南堂天寧二塔興聖資聖
顧玉山諸老

黃梅雨歇江天涼薰風南來白晝長閒房古寺不宵
住却憶并州是故鄉臨行袖紙索長偈信筆莫嫌無
好句法弱魔強正此時濟北頽綱合扶起只今四海
惟南堂佛病祖病排膏肓有若長庚配殘月清光爛

漫天一方更愛南湖第一刹瓦礫縱橫熾然說璣樓
玉殿現毫端不費腕頭些子力龍困直下深無底浩
浩松源有源委不比尋常藥汞銀真成師子一滴乳
虹渚風煙接爽溪伯吹壠子仲吹簞放開佛手展驢
脚縱橫妙用皆全提一咲三生淨名老聞道全身入
荒艸勘破諸方老古錐奪市攬行非小小醉李亭前
好歸去一一相逢煩道意千里同風不用論也知首
座多長處

盈藏主歸淮南

日月盈昃辰宿列張江河流注山嶽崕頭頭普示

支那

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

慧音公祖師一鑒卷之六

五

物物全彰子也親曾入吾室有口只堪高挂壁本無
一法可流傳拈花微笑成狼籍一氣轉一大藏教萬
象森羅俱絕倒直得長淮水逆流凌霄峰頭日杲杲
袖紙殷勤索贈言大似撥火求淵泉丈夫曾中有天
地止啼黃葉非金錢

次西齋韻贈定藏主

如來四十九年說偏圓半滿無空闕始終一字不會
談無端重把牢關泄道人秉志事參方勇猛精進光
明幢信手揭翻華藏海樹頭驚起魚雙雙直得虛空
失咲萬象拱立又誰管你無位真人常在面門出入

君不見老趙州眼無筋大王來不起身有問萬法歸
一一歸何處却道我在青州做一領布衫重七斤

次韻贈福藏主

無上兩足尊福足慧亦足法門廣闊度羣生六六依
然三十六大藏教兮一絡索仔細看來特地錯嘉州
大象驀翻身陝府鐵牛擰折角子是龍河英俊流何
勞向外空馳求五千餘卷瘡疣紙十聖三賢茅溷籌
無本據有來由禾山只解打鼓雪峰一味輒毬休休
春光似酒春雨如油隨緣放曠任運優游盡說洛陽
花似錦不知春在柳梢頭

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

次西齋韻贈真藏主

道人學道如香象截流渡河真猛將馬駒踏殺天下人一喝耳聾惟百丈古今不隔一絲毫力行古道母辭勞一氣轉一大藏教銷得黃金北斗高誰言祖諱休輕觸五逆兒孫無面目如何是佛麻三斤直下分

三要成六

示福建常禪人

天不能益地不能載豈常人之所能荷擔大小祖師問著但道不識不會航海梯山千里萬里東討西尋不是不是著衣喫飯時屙屎送尿處如形影之相隨

求人不若求己君不見玄沙備不出嶺來多意氣踢破娘生脚指頭百世光明照寰宇

次韻贈秀北宗藏主

面南看北斗火裏蘆花秀一句三玄濟北宗拈來塞斷衲僧口大藏與小藏雙收復雙放大洋海底滾沒馬之紅塵須彌峰頭鼓滔天之白浪潦倒徑山慙無伎倆謾贈短歌敲空作響羅龍打鳳羨龍河龜毛結網三千丈

示寶陀春藏主

泗州大聖受業

寶陀岩上觀音泗州城裏大聖神通妙用縱橫總是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

冬行春今德山入門便棒臨濟入門便喝知之者謂之喜捨慈悲不知者喚作尋常孟八道人詰參徧寰宇抉珠直入滄溟底眼頭蒼翠旣分明脚下淺深還自委

示修藏主

祖師巴鼻莫辨金沙空中結紐石上栽花一大藏教對一說挂地撐天繫驢櫬掣斷金鎖走麒麟等閒挨落天邊月會則事同一家不會千差萬別那吒頂上喫蒺藜金剛脚下流出血

格首座歸日本次韻

是不是非不非肩橫七尺烏藤杖從來首座有長處脚未跨門吾已知不用說心說性何須相席打令問訊燒香喫茶分分如鏡照鏡昨夜文殊普賢起佛見法見貶向二鐵圍山休論夢昇兜率劍挂眉間翻身靠倒扶桑國南海波斯念八還

恩禪人叅方

恩禪欲叅方袖卷索長偈更不涉思惟分分爲君舉闡越山萬重江淮水千里縱橫拄杖頭揔是自家底有佛處不得住何妨小小盤桓無佛處急走過正好遲遲游戲遇飯卽飯遇茶卽茶可行卽行可止卽止

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

草鞋踏破早歸來莫待秋風撼庭樹

示淨心禪人

心淨則佛土淨刹刹塵塵大圓鏡心空則諸法空
昨夜南山虎咬大蟲參禪只要明心地立雪神光曾斷
臂覓心不得卽安心達磨大師無本據我無一切心
何用一切法心空及第好還家萬里北風吹感發

次韻示東林守禪人

學道譬彼用兵善戰不如善守但知能言匪舌便解
行舉非手何煩拋却東林遠參西麓病叟汝旣單刀
直入我卽烏藤便捲棒頭捨得全身未許開張大口

成禪人參淨覺

學道本成見萬法唯心識頭頭見釋迦處處逢彌勒
實學真參大丈夫釋迦彌勒是他奴鼻孔吸乾四大
海眼睫倒挂須彌盧任性優游天界隨緣放曠 皇
都誌公豈是閒和尚達磨道他老臊胡一箇現十二
面觀音問渠那箇是正面一箇道廓然無聖第一義
諦爭得無要須超越莫受塗糊淨覺國師機用別紫
羅帳裏撒珍珠

示傳無用

用無用爲無爲作無作活袞袞明落落剛然索我無

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

用之空言畫蛇未免重添足無用老知不知用而無
用爲無爲大洋海底紅塵飛用而無用作無作空裏
磨盤生八角用而無用無亦無蟻螟吞却須彌盧便
恁麼去未敢相許別有商量賣弄口觜無用老怎麼
好不若從他要用使用生鐵團上休尋縫要爲便爲
飢來喫飯寒著衣要作便作春至花開秋葉落須知
執法修行正是無繩自縛君不見祖師道大用現前
不存軌則柔條上著箭柳樹上出汁妙用恒沙有何
極又不見傳大士曾有言空手把鋤頭步行騎水牛
後夜雙溪弄明月看取橋流水不流

新首座歸荆谿山居次印心韻

大乘根器生神州冰枯雪老知幾秋碧眼胡僧眼未
識迢迢謾作真丹遊一言易出難翻欸九年面壁嵩
山畔殃及齊腰立雪人覓心不得忙如鑽道流問道
來江東龍河萬柄如雲從眉間劍氣拂牛斗相逢政
好論宗風五葉一花開朵朵達磨不曾傳慧可不見
當年老藥山一物不爲唯宴坐道流好歸松石室自
在經行及坐臥有問西來事若何樓至拳頭如鉢大
雪巖和尚牧牛歌慶禪人請和

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

生終日茫茫去尋覓何如長慶一牧三十年調伏功
深有來歷或全放或全收縱橫自在無拘留閒鞭索
舊犁杷嘵地一聲俱颶下從教日炙與風吹飢來喫
飯寒著衣脚頭脚尾乾坤闊鼻孔撩天雙眼活三叉
路口夕陽紅酒旗獵獵搖晴空短笛橫吹西復東落
花飛絮春濛濛

次韻送等藏主

生佛本平等叅方須見性衆生無相身諸佛無見頂
光明徧刹塵晃晃相輝映是藏不是藏非心亦非境
少減與多添曾不墮虧剩蛩吟秋夜長鳥啼春晝永

明明絕覆藏歷歷亡偏正物我了真空順逆委天命
法海浩無邊行行恣游泳堪嗟演若多迷頭徒認影
震藏主歸吳兼東萬壽行中法兄次全室韻
七穿八穴毗盧藏不住十玄并六相五千餘卷錯流
傳說性說心皆影響拈花微笑本無旨冷暖自知魚
飲水二三四七謾相承上大人芳丘乙巳我昔叨居
慧日峰當塲蹴踏多象龍子方年少擅英俊力探此
道嘗游從老我衰殘非舊日喜子龍河扣全室全室
當今大法王爲人只箇龜毛拂頂門有眼分邪正塞
却耳根休聽瑩凌滅宗風五逆兒佛祖天魔隨號令

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

北山與我同心曲白紙不勞馳片幅爲言早晚定南
還相看糞火煨黃獨

友禪人請藏經歸日本次韻

善財南詢見初友拈得鼻孔失却口彈指豁開樓閣
門震徧震弓吼徧吼益堂遠自扶桑來鯨濤直度無
縈迴順風五日到中國喜見海山萬朵青崔嵬構得
藏典五千四十有八卷壹憚山長并水遠明朝別我
又東還好把船頭輕撥轉須知大法本無傳樹林水
鳥常數宣石城山前重回首佛日照曜東南天

虛室贈滿藏主次韻

幻有不異真空虛妄不離真實有室胡爲揭虛室此
室無面無背與虛空而同大苟離實而卽虛六戶皆
成有礙室之寬無邊刹海俱包含室之窄纖毫長物
難藏著寬窄虛實當頭坐斷不用論量十世古今一
念現前了無縣隔此室非空亦非有要在當人善持
守等閒和底盡掀翻噴嚏也成師子吼

元禪人歸日東

大唐國裏無佛法曾次莫留元字脚行腳叅方合自
知差病不假驢駝藥達磨老牒胡西來成大錯人人
鼻孔撩天箇箇眼生三角直指人心心本空見性成

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

佛佛乃覺春至自華開秋來還葉落踏破草鞋歸去
來萬里海天飛一鶴

示山居持首座

堅持密行默照深禪執之失度放之自然端可以卷
舒立方外乾坤縱橫挂域中日月說甚麼眉間挂劍
血濺梵天君不見大梅一見馬師後拈得鼻孔失却
口直入千峰與萬峰誰肯將身藏北斗又不見潦倒
龍山住菴日入海泥牛絕消息不知塵世是何年但
見日頭東畔出菴居識得菴中主狸奴倒上菩提樹
不妨百鳥獻花來從教茱葉隨流去

洞庭謠送嘉則堂住水月

東洞庭西洞庭下瞰太湖三萬六千頃白波之浩渺
上矗奇峰七十二朵秀色之空青金刹星羅焯雲
漢林屋路窅通滄溟盧公石屏凜生面尚想叱咤生
風霆更憐慈受樂幽隱樹林水鳥共演妙法談真乘
耀古輝今誇二老俯仰有誰同此道水月中得異
才善舞不妨塲地小清淨之身廣長舌坐斷湖山熾
然說水天無際月孤圓一切水月一月攝楊岐乍住
空四壁辛苦栽田博飯喫風穴單丁儼千衆百世高
風動寥沈復先德之真規掃末流之塵跡挿一莖艸

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6

撰述

現瑞樓玉殿未稱全提布縵天網打衝浪錦鱗不勞
餘力流芳天瑞挺孫枝臨濟未是白拈賊

古鏡贈明禪人

混沌未分世界未立一片靈光湛而常寂靜鑑萬象
動照千虛交徹融攝無欠無餘胡來漢來日面月面
見見之時見非是見爾稱古鏡當究厥旨耀古騰今
輝天鑑地

湛源贈定禪人

真源湛寂撓之則昏靜以照之鏡而不痕儻然情波
忽焉識浪流轉三界千態萬狀咨爾定力五濁俱捐

塵塵清淨刹刹澄圓

已上皆長短句

瑞光寺

比丘圓淨助銀壹兩

寓貝葉齋

比丘

真空助銀

壹兩

刻

憩菴及禪師語錄

第八卷

佛弟子王大穀助寫貲

松陵非仲

張雋

對

長洲金之龍書

自聞道人蔣成榮

刊

崇禎二年己巳歲佛歡喜日姑蘇兜率園識

愚菴及禪師語錄卷之八

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

愚菴及禪師語錄卷之九

門人

護位

編次

偈頌

讀華嚴

華嚴法界浩無邊玉轉珠回滿目前究竟直須超性
海精通猶是涴心田不離當處該三德曲說多方顯
十玄慚愧舍那尊特父謫兒偏解奮空拳

讀法華

六萬餘言最上乘寒牕相對篆煙騰無邊譬喻刀頭
蜜大事因緣火裏冰彈指不妨開寶塔焚身誰解繼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

真燈循行數墨三千部一句全超憶慧能

讀楞嚴

諦觀佛頂首楞嚴金口流珠顆顆圓大定不離修萬行客因先合斷三緣毫端現刹難思議眼處觀聲絕正偏赤手果能探教海得魚須信貴忘筌

讀楞伽

大品楞伽奧旨深止啼黃葉勝真金了知我相元無我直達心宗豈有心兔角龜毛難比况情波識浪任浮沉百非四句俱拈却蠟蠍蚍蜉解賞音

讀圓覺

大圓覺海廣尤深誰信真源近可尋三觀澄明標匪月六塵清淨鑽元金鉢憐調御多饒舌未許曼殊獨賞音披卷只圖遮老眼剋期修證本無心

血書華嚴經

五十三人血戰來百城煙水盡成邱毗盧樓閣紅雲湧帝網山河赤幟開十指頭邊師子吼一針鋒上象王回有無功力難思議直得腥風徧九垓

墨書法華經

松陵信士王元吉夫婦同持妙法華唉倒虛空多寶塔驚翻露地白牛車世緣未了曾何礙寶所親登定

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

不差朵朵青蓮毫末現腕頭餘力更堪誇

繡字金剛般若經

般若靈文宿有緣等閒繡出喜功圓銀鈎鐵畫分行
草玉線金針顯妙玄兔子懷胎皆剩法畔含明月匪
真詮金剛正體堂堂路錦上添花五色鮮

泰因二上人同書華嚴

毫端幻出大華嚴名句形身勝妙兼寶網雲臺同演
說塵毛法界盡包含衆生共入毗盧藏梵苑雙敷優
鉢曇披卷了無文字相善財空走百城南

大圓無言

始終一字不曾談開口分明落二三少室九年成滲
漏毗耶一默露廉纖禪詮謀譟瘞疣紙教網重重鵠
臭衫截斷溪聲廣長舌春風飛燕自喃喃

無竭

一滴流來自劫空涓涓不絕遠朝宗延洪孰究根源
力消長全超造化功沃日滔天殊未泯分枝列派有
何窮叢林萬古均沾溉共喜曹溪正脉通

悟藏主職滿還吳

今古何曾有悟迷南屏嬾把布毛吹山青雲白光明
藏鵠噪鴉鳴小豔詩十里平湖秋澹澹三吳歸路忝

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

離離莫嫌送別無分付又是重安眼上眉

僧院判奉旨降香育王寶陀北歸次雪窓和尚韻以贈

西河師子僧思吉遠降天香跨海回設利寶光開五色洛伽大士舞三臺孤峰頂上逢彌勒百草頭邊識善財聖主無爲千萬壽南方佛法未全灰

答訓書記兼東師林立卓峰

撒土猶能更撒沙難兄難弟喜通家咬人師子全牙爪逐虎韓盧曳尾巴月下守株空待兔棒頭打草要驚蛇頽綱力振看能事種豆何妨得稻麻

寶藏主還吳江

法王大寶祕形山覲面當機要見難紙襖鈔來渾是錯柴爿颺下太無端神駒墮地萬里志彩鳳衝霄五色輸少室宗綱方解紐未容高臥曲江干

次韻答夢堂法兄

兵戈南北競喧爭兄弟分違似隔生瀛海丹山君宴坐劫灰雙徑我徒行只添束箋腰間重依舊眉毛眼上橫賴有祖翁家活在不妨日午打三更

示道同淨人

大道何曾有異同纔生分別便乖宗堂堂獨露聲塵

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

於林公集卷之六

正

外歷歷常居動用中明鏡非臺光自照菩提無樹體
元空迢迢龍朔人歸遠千古誰能振祖風

答普濟元恕法兄

機鋒抹過睦州蹤幢蓋行看上五峰花偈寄來春尚
早蘿窻披飛雪初融樓臺突兀吳江上瓦礎從衡徑
塢中裁謝莫嫌成嬾慢弟兄千里本同風

妙藏主叅方

純圓獨妙子深諳杖屨何須事別叅良遂無端見麻
谷德山落賺到龍潭衝雲突日遼天鵠脫駕空羣汗
血驂袖裏摩尼發光怪照開煙水百城南

次韻送日東俊侍者入閩

三喚三呼若震驚屎腸抖擗爲君傾國師機用親仍
切侍者威儀老更成柳栗枝頭懸震旦瞧暝眼裏泛
蓬瀛天風亭上聽秋雨滿耳須知不是聲

答蘇昌齡編修病中索茶

東土西乾老淨名經秋不見渴塵生每懷取飯香積
國未暇問疾毗耶城劇談直欲離言說安眠豈有閒
心情趙州道箇喫茶去瞎却幾多人眼睛

次韻奉答張婉軒承旨求作師祖善權和尚塔

銘

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

閣老文章有耿光任將四大作禪床筆頭慣點金剛
眼手面宏開大寂場鯨海重勞詩遠寄龍淵深喜道
相忘亭亭祖塔西岡上有待摘辭下帝鄉

次南堂了菴和尚韻

拂袖中吳第一峰南堂岌岌凜高風坐令驚嶺真規
復不翅松源正脈通長庚爛爛橫霄漢野鶴翩翩絕
檻籠快活有時無著處風顛寒拾恰相同

次韻示堅禪人

芭蕉身相本非堅生死根深苦繞纏直下一刀成兩
段何須問道與參禪砂鍋頓頓藿羹飯石鼎時時柏
北來佛日孫枝饒挺秀鐵華還向樹頭開

子煙三際十方俱坐斷不知誰後復誰先

答天章復初法弟

嘵羅智者講天台潦倒盧公辯鏡臺法法無差波卽
水新新不住火成灰力將正說排邪說驗盡南來與
北來佛日孫枝饒挺秀鐵華還向樹頭開

師祖善權元翁和尚忌辰撫景感懷七首

今朝五月廿四日老倒禪翁恰化生佛祖位中無住
著人天路上謾從衡亭亭峨石機猶峻岌岌龍岩話
大行欲識善權端的旨日輪卓午打三更
薰風庭院日偏長徧界明明不覆藏今雨稚松爭拔

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

唐詩分類卷之六

地故園新竹已過牆固知鼯鼠非他物忽聽鳴蟬報
夕陽六十六年來又去了無生滅可論量

病魔垂老任交攻高臥匡牀丈室中四大色身元是
妄多生業障本來空華池寶所阿鼻獄火聚刀山兜

率宮天上人間恣游戲開軒徒自挹玄風

櫻桃盧橘遶簷栽小小方池手自開曇諦不忘書鎮
約黃梅童駕願輪來多身有待分塵刹全體那辭育
聖胎薄福住山頭已白深恩何以答涓埃

棟宇渠渠更故新寸長尺短妙經綸竹頭木屑知功
力露柱燈籠識苦辛香積引泉來百丈層樓送日過

由旬却憐坐臥經行處物物全彰淨法身

爲愛團欒十畝園紅芳消後綠陰連杖藜日涉真成
趣野菜時挑不費錢臨濟栽松親鑊地仰山種粟自
燒田祖翁活計誰相委獨立南榮爲惘然

舐犢之情似海深誰知黃蘖老婆心醍醐酥酪皆同
味釵釧餅盤等一金彈指全超法報化翻身坐斷去
來今高堂素壁薰風裏遺像重瞻思不禁

送相長老潛長老住宣州妙相法相次報

宛陵奚翁之故鄉朝來喜送諸孫行珍重難兄與難
弟願言爲法不爲名雲山千里遙在目祖脉一縷尤

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

關情日炙風吹木瓜樹描不成芳畫不成

次韻答寄昭明才無學藏主

錦峰山下千年寺橫翠堂中一老身晝夜心源常湛
寂冰霜戒檢獨清新彌陀現在忘形友慈氏當來入
幕賓願與趙州同甲子裏茶聊寄雨前春

彝藏主職滿還承天次剛中禪師韻

一氣轉一大藏教回頭故國是夫差驚群喜見英靈
漢圓相休呈老作家手面生機禽虎兕頂門正眼辨
龍蛇叢林秋晚看昂柄遍界開敷五葉華

次韻寄開化一元禪師

厭看功臣樹色蒼故山端的勝殊方桑麻原隰連香
徑金碧樓臺峙寶坊淪雪小齋雲半榻貫花新偈入
千行春深四大輕安否佛祖權衡賴抑揚
退歸海雲受業謝祥止菴過訪次韻

散席歸休愧老蒼匡徒行道任諸方百年寄幻依雲
麓午夜傳衣憶碓坊笋蕨時挑殊有味杉松手植已
成行春風短策勞相過活計都盧爲舉揚

次韻答靈隱介菴

應世隨緣沒奈何秋來說法喜無魔須彌椎打虛空
鼓般若舟橫苦海波石子岡頭潮信早梅花洲上月

110 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

明多江流不盡深深意獨許吳音唱楚歌

早出餘杭感懷

佛祖宏規有準繩侯門無事愧頻登蒼茫五髻三更
月迢遙千巖萬壑冰心跡任教同槁木姓名何必上
傳燈覺天不夜空無際寂寂行看慧日昇

答東臯伯遠法師二首

東臯尊者隱郊墟小小屠蘇暗史居切柏代香朝演
法卷簾進月夜抽書村園果熟秋霜後花徑苔生宿
雨餘心境兩忘諸幻滅更于何處覓真如
楓宸召對足光榮峻辯宏機恍衆情一妙九旬談不

盡千差萬別證無生中吳大士推三傑上國高僧第
一名道重金輪聖天子毗盧頂上等閒行

次韻答愚仲法兄

寶華白晝雨空山滿紙伽陀辱遠班頓覺五峰嘉氣
集坐令千載古風還縱橫妙灑鐵鈎鎖精瑩雄辭玉
佩環焚香打鼓普請看津津喜色動衰顏

寄天寧白菴

聞道南湖第一山交參龍象雜官班東頭賣貴西頭
賤空手來時赤手還頂顰一機猶掣電語言三昧若
連環鐵船下海休輕舉老叔談禪亦強顏

110 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

次韻寄行中法兄

幢蓋東游駐北山青鞋同踏蘚痕斑十年不見風塵隔幾度空懷信息還猛扇口中擰玉箸後貌領下解金環刹竿倒却誰扶起爭羨拈花獨破顏

次韻寄德巖講師

老倒龍潭接德山紙燈滅處管窺斑爭如東塔生機妙力挽西乾正脉還爛爛雜花真富貴澄澄性海自旋環丹崖碧嶂秋光裏一咲何當展瘦顏

復次韻答愚仲法兄

碌碌虛聲冒五山驅馳贏得髮毛斑宗綱委地慙無

補節序奔流去不還浮世百年蛇戀窟勞生三界蟻循環聖凡平等難調制顧我疎才覺厚顏

答前開元方崖法兄二首

宗教人才繫重輕弟兄垂老益關情徒勞刹說仍塵說盡把風聲作雨聲勇退曾聞法雲本高閒誰似覺天清尚期末路參玄士悉使歸家罷問程

秋晚叢林委地空菴居小小不雷同單提獨弄三江上萬別千差一照中船子清風來夾崎馬師異類得龐公遙知緇白交參處入夜高燒蠟炬紅

悼楚石和尚三首

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

惠林文選卷之二

十一

潦倒奚翁的骨孫高年說法屢承恩麻鞋直上黃金殿
鐵錫時敲白下門煩惱海中垂雨露虛空背上立
乾坤秋風唱徹無生曲白牯狸奴亦斷鬼

聖主從容問鬼神當機一默重千鈞茶毘直下金門
詔火聚全彰淨法身平地驚翻三世佛等閒瞎却一
城人大悲願力知多少枯木花開別是春

匡床談唉坐跏趺遺偈親書若貫珠木馬夜鳴端的
別西方日出古今無分身何啻居天界弘法毋忘在
帝都白髮弟兄空老大刹竿倒却要人扶

次韻賀象元禪師遷徑塢

萬仞龍門奏凱歸山頭魚躍井塵飛生機透脫空諸
有妙用縱橫顯衆微四海叢林師望重三台人物曉
星稀祖翁塔所能延老擬辦遮寒布衲衣

用韻寄天界全室禪師

詔領宗壇萬衲歸龍河花雨日紛飛朝回曙色開黃
道定起靈光繞紫微貝闕珠宮天上有法王禪將眼
中稀何當一扣毗耶室笑攬金紅屈眴衣

答謝前虎丘行中法兄過訪

忽報雲巖老漢歸秋風瀆水片颯飛衝霄鐵鳳離金
網戴角於菟出翠微勇退急流今古少相看白髮弟

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

兄稀願同寶掌千年壽五髻峰頭一振衣

次韻答天寧西堂

天寧活計了無錐直指宗風力主維少減多添能恰
好橫該豎抹總相宜神機掣電全生殺妙語流珠燦
陸離九里湖邊弘法施任教諸子廣傳持

慧侍者歸吳門

侍者叅得禪了也戴角於菟捕翅飛咲倒生公點頭
石合傳隆祖袒肩衣論功何啻超乾慧唱道還看顯
大機莫把閒情憐老叔長江好泛鐵船歸

次韻答寄佑啓宗二首

麗藻天垂五色雲龍河倦客思紛紛永嘉一宿曹溪
室智者兼修止觀門今古間生人物異教禪同仰法
王尊放開佛手伸驢脚任使諸方謾度論
風標濟濟出羣才目眎雲霄臥艸萊未許知心排闥
起宵因傳語下山來陰涼大樹元無種般若靈苗宿
有荄爭頌楚材須晉用只應僧佑衆中魁

次韻悼逆川和尚

潦倒川翁莫與言去來何用問前程踏翻大地無行
跡撲落虛空絕謂情任尔鐵牛生犢子從他海燕作
雷聲臨終說偈辭明主不比尋常蝴蝶鳴

次韻懷幻隱首座率衆鳳陽法會

說法濠梁據上班聲傳萬國盡歡顏四花綰繞人天
座百寶光嚴虎豹關赫赫神符懸肘後煌煌慧劍挂
眉間三千龍象隨高步歲晚江空願早還

示白禪人

白業精修苦行堅未明心地更加鞭三乘敎外元無
法七尺單前豈有禪莫學少林空面壁從教南嶽自
磨磚鐵牛掣斷黃金索鼻孔撩天不著穿

龍潭舟中寄天界全室禪師

詔許還山得便風吳船如屋大江東聖皇有道逾

仁廟野衲非才愧連公滾滾波濤皆瘠澤寥寥天地
一冥鴻三年旅食曾無補回首龍河思莫窮

法城禪人化緣修磧砂經坊

城禪切忌墮疑城施受論功只礙膺大法本來無一
字釋尊方便說三乘輝天鑑地光明藏塞壑填溝爛
葛藤隨順世緣平等化道人行處火燒冰

示吳無妄居士

麁金嶺下構菟裘火種刀耕已白頭摩詰有妻稱法
喜釋尊生子謂羅睺一真境界無虛妄三大僧祇孰
進脩識得本原心卽佛火中踢出百華絳

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

次韻示萬壽因藏主

本來平等沒疏親學道應須達正因只爲衆生迷寶
藏直教大覺棄金輪北山密付刀頭蜜西麓全提眼
裏塵石火電光猶是鈍當機無我亦無人

悼開元方崖法兄

丁巳十月十六日開元老漢入泥洹信腳踏翻浮佛
閣全身抹過聽秋軒衆人索偈聊書偈至道離言豈
有言七十二年無罣礙話行東土與西乾

老禪遷化荆溪寺物物全彰淨法身駛角泥牛耕碧
落懷胎玉兔滾紅塵雙趺示相機雖妙一曲無生調

轉新大寂定門來又去曇花重現少林春

已上俱十
言八句

次韻示明禪人

護龍河上寺濟濟衆如林擬欲求玄旨應須達本心
能傳南嶽讓素得徑山欽日用宜高潔雲生性地陰

次韻示聞維那

教體音聞外眞空是道場龍河機用別驚嶺話頭長
門掩三春雨身全五分香罰錢仍出院切忌錯商量

贈敏侍者兼簡度白雲

機用誇神敏聳林譽蚤騰永嘉憐一宿雪嶠愧三登
共羨非凡種深期續祖燈國師同在客喚爾急須膺

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

達禪人參方

雲山佳衲子宜達境唯心自說遊京國親曾訪道林
話頭明歷歷脚債尚駸駸勿惜勤參禮玄門似海深
示守正禪人

參禪能守正邪念任紛飛試究紛飛處終歸湛寂時
縱然諸境界不隔一毫釐言外知端的虛空展咲眉

善住禪者參方

白雲堆裏住知識久咨參旣善探玄旨何妨出翠嵐
諸方無別法此語貴深諳客路驚秋早頭頭爲指南

山樓秋夜三首

月色白如晝松陰多似雲窓虛山欲墮燈廻夜初分
河影中天見泉聲隔樹聞小樓成獨坐此景與誰論
衰艸緣幽徑疎林出短牆風回驚宿鳥露下泣寒螿
歷歷無差互頭頭自顯揚跏趺坐來久重爇瓦鑪香
秋半山樓好匡床夜不眠感時思佛果撫景憶南泉
月下機何峻更深語最玄寥寥千古意危坐獨超然

已上俱五
言八句

寄德巖行講師

七帝論心鎮國師兩窓孤坐想風姿化龍叶夢孫枝
在濯濯優曇見一枝

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

寄洞庭羅漢琛頑石書記

時居祖互愛

秋風木葉洞庭波愁殺山中諾詎那恩愛盡時煩惱
盡好携餅錫出煙蘿

次韻危太樸翰林錢塘留別

護龍河上翻經日西子湖頭立馬時話盡山雲并海
月此情只許白鷗知

寄普慈東堂蘭石和尚

蒼雪樓頭八十翁空華幻境盡銷鎔風微晝永南山
麓拄杖穿林看罇龍

招衍懾首掌記

二月東吳浩蕩春青天時雨講花新縵縵教網周沙
界透脫須還是錦鱗
罪性元空懺亦非一心三觀涉離微太虛爲紙須彌
筆倒用橫拈最上機

念禪人禮補陀

一念普觀無量劫塵毛刹海摠圓通白花巖畔金剛
石昨夜藏身北斗中

登五雲山望江亭

高亭注目正清秋野曠天空事事幽白鳥青山雲淡
淡滄江斜日水悠悠

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

示壽知客

開先寺裏迎賓日禪月堂前索偈時客路如天春似海子規啼斷落花枝

勝禪人歸宣州

名字旣同黃檗勝參禪須會趙州無昨夜宣城木瓜樹開花結箇苦胡蘆

解制二首次大覺象元韻

凌霄一夏九十日無佛無我無衆生昨夜秋風動林樾任教白髮長新莖

九旬共喜無諸難功行誰能驗礪人彼此住山成老

大又看桑海一番新

血書法華經報母

筆底紅蓮朵朵開是名真法供如來指端瀝盡娘生血全體何曾出母胎

福建琦禪人禮峨眉普賢大士

閩蜀同風莫外求峨眉山月半輪秋玄沙不出飛鶯嶺築破娘生脚指頭

用宋景濂學士韻送妥侍者回育王開本師塔銘二首

點開鄧嶺金剛眼照破昏衢萬八千無相光中老居

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

士話行東土與西天
乞得金華學士禪絕勝荷毳獲純縣鐵鍊不用尋靈
骨密意分明在汝邊

贈鑄生

千僧遍荆娘生髮一念全超內極恩老我畏寒偏護
頂謾勞彈鐸到雲根

寄前瑞巖恕中和尚三首

惺惺石上主人翁一室高居太白峰靖退只今非小
節知心未許石門聰

千里同風各暮年任教滄海變桑田獨憐熊耳峰頭

月昨夜蝦蟆蝕半邊

徒誇錦瑟與瑤琴妙指方能發妙音却憶鰲山深雪
夜弟兄傾盡歲寒心

示日本春禪人三首

少林春色徧遐荒不隔扶桑與大唐三拜起來依位
立無端好肉自成瘡

扶桑人種陝西田打著南邊動北邊踏遍支那知落
處阿難依舊世尊前

參禪只要了心地欲覓了時無了時未跨船舷三十
桺老僧失却一莖眉

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

建長明南浦四會錄

瞧暝眼裏五須彌靠倒虛堂老古錐四會搏桑熾然說曾無一字挂唇皮

謝嚴子魯左丞惠貢餘新茶

數種支那味

槍旗不展策全勛占斷江南第一春除却金輪聖天子舌頭具眼是何人

寄王畊雲照磨

三首

春山老圃帶雲畊芝艸琅玕滿地生讀罷楞伽日亭午海棠花下聽啼鶯

計太師贊少翁賦意

示郁止齋居士

學道應須達正因道原曾不離諸塵當知一切衆生界卽是如來淨法身

祖禪人歸五祖

風流公子正法眼紅粉佳人最上機拈却東山左邊底祖天日月倍光輝

義禪人歸京口次嶼雲心西堂韻

直將真義報禪流法法毋勞向外求月滿淮南江水白角聲吹徹甕城秋

已上俱七言四句

洪武戊申浙右三宗諸山奉旨會于天界寺十僧相繼坐化吳江佑上人集遺偈成卷請題

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

十方薄伽梵一路涅槃門苦海孤舟客徒勞刻劙痕

題一雨師悼頌卷

自號真實尊者

稽首一雨師日用惟真實救旱自焚身精進波羅蜜
言四句已上俱五

佛弟子王與善爲母沈氏助銀壹兩

刻

佛弟子俞九齡助銀壹兩
愚菴及禪師語錄第九卷

長洲金之龍書

自聞道人蔣成榮刊

崇禎二年己巳歲佛歡喜日姑蘇兜率園

識

愚菴及禪師語錄卷之九

愚菴及禪師語錄卷之十

門人道彝編次

自讚

芷都寺請

沅有芷澧有蘭花根本艷虎體元班楊岐輔慈明匡
徒只說此法鼓山佐雪峰闡化話無兩般覺斯民行
斯道若丹青之寫象猶匠石之斲墁坐斷西湖南宕
力回倒海狂瀾金圈栗棘橫該抹千古叢林作話端

淨慈行堂請

眼生三角頭峭五嶽心性急如弦曾中無點惡東海

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

慧林寺藏書

鯉魚打一棒雨似盆傾南山白額奮全威天魔膽落
截斷妙喜葛藤掃蕩永明糟粕却憶老盧公辛勤在
龍朔碓觜花開劫外春千古高風動寥廓
延慶略長老請
韜略全無威權何有皮膚脫落盡留得一張口四會
說法住山一味縣羊賣狗父子雖親妙不傳喝下須
彌顛倒走

自定慧寶長老請

滿肚貪嗔癡通身戒定慧日用任縱橫非如亦非異
拈來妙喜竹篦敲出臨濟骨髓南山鱉鼻噴腥風龍
事時聽黃鸝送好音

王宮殿波濤起

中竺悟長老請

老屋數椽春寂寂長松萬本晝陰陰空山盡日無餘

事時聽黃鸝送好音

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

書跋

趙魏公書楞嚴長偈

梵語首楞嚴此翻一切事究竟堅固良由慶喜未全
道力求佛方便故世尊示之以十方如來一門超出
妙莊嚴路乃至多方決擇真妄發明陰入七大皆如
來藏使悟器界萬法當體全真銷億劫顛倒妄想獲
究竟堅固法身於是說偈讚佛發願度生虛空可亾
心無動轉實爲微妙章句松雪居士趙魏公大書特
書以傳不朽書法之妙大海爲口須彌爲舌贊莫能
及而公出處光大名滿天下碩德盛業不可思議得

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

非楞嚴會上菩提薩埵乘大願輪一來人間游戲者歟公非獨書是偈至若金剛般若圓覺諸大乘經皆勵精書寫銕梓流布將此身心奉塵刹是則名爲報佛恩浮俗闡提觀此亦當自化

陸遜齋書華嚴經

無上法王初成正覺稱法界性說華嚴經譬如虛空具含衆象於諸境界無所分別唯上乘大士信解弗疑中下之機如聾若啞吳郡遜齋陸公吏隱而事佛尤篤佐政之暇手書是經八十一卷襄潢函祕安奉五瑞山大雄寶殿以永傳持非上乘根器疇克足也

觀其發大信心啓大行願不翅陰翊王度報資恩有欲壽大法無有盡滅期與極微塵刹海無盡衆生同證一真法界功德其可量哉至正壬寅余客留山中得遂披閱時公已沒于王事追授承事郎昌化縣尹木落天空秋高氣肅淨几明憲焚香展卷恍若與公游泳毘盧性海死生何間焉

秀峰徵太古所藏圓鑑寂照妙明三老遺墨

老圓鑑與寂照先師蚤時嘗充書記之職各以文學鳴世厥後相繼主法雙徑爲天下師表致叢林禮樂全盛四海象龍川委雲集道德之光猶日月麗乎中

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

天亘千古而不可磨滅也時妙明太古二兄實能同參法席後三十年妙明由補陀中竺亦主雙徑今觀圓鑑贈休復子蘭說以蘭比有道君子期漸乎馨熏乎心潤乎道而周流乎天下寂照送中一二人序切切以斯道勉旃有謂非傲儻瑰瑋信之篤見之明奮不顧流俗孰能相與踔厲乎此哉之語回眎碌碌冒名竊位馳騁浮華勾章棘句不原道之所存至竟癡狂外邊走者愧當何如也太古分座說法華藏時妙明居補陀書疏往復曾弗及世諦唯以遊心華藏世界與法報化同爲唱導爲喜三大老可謂同一舌頭

同一心知雖片言隻字未嘗不以單傳直指之道自任而其後先接踵聯輝爲天下師表也宜矣太古弘徒秀峰方東南兵變之餘所至若逃亡家贊席爲之特振堂中衲子數十人皆嶄嶄出頭角者一日鉢盂兩度濕不可斃缺因行化訪余受業海雲出此俾題引紙運筆覺我形穢

張居士血書法華經

龍勝菩薩曰衆生心性猶如利刀唯用割泥泥無所成刀日就損理體常妙衆生自粗能善用心卽合本妙寂音尊者謂世之人疲精神于紙筆從事于無用

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

是本外傳師記卷之二

五

之學是皆以刀割泥者也清河張居士中年割棄塵
累篤志佛乘瀝娘生十指之鮮血書法華七軸之真
誼是真精進是名真法供養如來端可謂善用其心
者矣旣書寫之又讀誦之苟能一言之下心華發明
徹見一會靈山儼然未散不妨便是千佛一數居士
宜加勉諸

靈源清禪師遺墨

靈源大士道德言行爲宗門百世師表觀其遺輔公
坐元小帖雖似簡率一再展卷恍若黃龍山壁立萬
仞俯仰今古爲之凜然

與上人所藏羅漢圖

諸禪四無量無色三摩提一切受想滅心量彼無有
是謂阿羅漢深山大澤聖賢所都信非凡愚肉眼之
所能見內祕外現應化無方出沒卷舒如幻如夢又
豈筆端三昧所能彷彿好事者繪之爲圖以寓遐想
良有旨哉世之覽者徒愛其奇形怪狀精巧入神孰
究道之所存爲何如耶上人爲佛之徒當觀其迹究
其道自覺覺他勿墮聲聞自覺聖差別境界直趣自
覺聖智究竟之地可也雖然我作是說猶如繪像若
是眼裏有筋終不按圖索駿

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

錢子善三教異同論

三教學者互相矛盾其來遠矣屏山李公嘗謂儒釋道之軒輊非唯釋道不讀儒書之過亦儒者不讀釋道之書之病也君子寢之今觀彭城支離叟三教異同論窮理盡性無黨無偏可謂撤藩籬于大方之家匯淵谷于聖學之海立一家之成說掃末流之浮議使三聖人之學凋瘵之秋復將鼎峙而不致偏仆其于聖教豈小補哉雖然道本無言離文字相離心緣相世界未立三才未備儒釋道甚處得來當與麼時孰是孰非誰同誰異向這裏下得一轉語則辨論之

作功不浪施其或未然待汝一口吸盡西江水却向汝道

中峰和尚蓮花吟卷

普應國師中峰和尚說法如雲如雨蓮花吟一篇豈亦懷淨國之遊而作耶趙魏公因而畫之爲圖馮待制又從而大書特書合成一卷可謂三絕矣京口張天民獲之于烽塵湏洞之際不翅夜光明月謂是卞山幻住舊所藏者卽歸諸吳門幻住照用菴爲傳家之券張亦有德者歟噫中峰爲東南大善知識據師子嚴作師子吼垂三十年氣吞佛祖道重王臣如趙

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

周易文選五言卷之二

魏公馮待制皆儒林鉅擘往來叅扣咸稱弟子蓋欲
咨決大事因緣碎塵勞窟宅拔生死根株豈吟詠云
乎哉然達人大觀游戲翰墨無非佛事用菴爲中峰
直下的孫得此寶諸宜矣倘能換轉面皮伸出毛手
付諸丙丁則老和尚大寂定中必爲破顏一咲

天童佛海禪師遺墨

河南褚士文博學而尤精書法四方多士咸願游從
嘗與太白佛海爲方外交徵言于海海時年八十有
五能作凍蠅細字手書舊詩數十篇酬之士文寶祕
珍惜時一展玩如見古道顏色雖隋珠卞璧不換或

謂佛海爲一代尊宿不以本分事接人遺之以詩有
失大體予曰不然上乘菩薩善巧利生乃至示現種
種形相與其同事佛海遺詩豈非四攝之一也噫儒
與釋分兩塗跡雖不同道實靡間苟非達而不拘者
往往肝膽楚越觀士文佛海之風亦當少愧

佛印禪師遺墨

佛印禪師竊恠叢林以文字爲禪嘗示衆云雲門說
法如雲如雨絕不喜人記錄其語見必罵逐曰汝口
不用返記吾語異日裨販我去學者漁獵文字語言
正如吹網欲滿非愚卽狂蓋師荷負臨濟正傳言語

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

道斷心行處滅策勵禪徒法如是故豈欺人哉觀此送茶手帖種種譬喻深入法味醍醐毒藥藥醍醐亦能殺人亦能活人雖知法離語言文字而能遍一切處如實爲人演說於師見之矣

全室禪師法語

說法不應機總是非時語故先佛世尊隨宜演說良有旨哉今觀全室禪師鍾山法會奉旨普說窮理盡性徹果該因顯密淺深無機不被真得先佛之意深與契經相合贊西堂得而寶諸可謂具一隻眼

題白菴禪師三會錄

向上一路離言說相離文字相諦觀白菴禪師三會錄一一從自己智襟流出言滿天下未嘗道著一字松源和尚云正路行者有但不能用黑豆法難以荷負正宗大慧老祖云諸方說禪彎彎曲曲如海螺兒相似我這裏則不然開著口便見心肝五臟此錄二者兼得之矣師得法上首衍慶澤長老結集鋟梓以惠後學同器而食餘色有異覽者自宜青眼

姑蘇兜率園比丘明聞閱

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

塔銘

前翰林學士承旨嘉議大夫知制誥兼修國史兼太子贊善大夫金華宋濂撰

浙河之西山川清妍其所毓人物性多敏慧學禪那者以攻辭翰辨器物爲尚雖據位稱大師亦莫不自然自宋季以迄于今提倡達摩正傳追配先哲者惟明辨正宗廣慧禪師一人而已師諱智及字以中蘇之吳縣顧氏子父茂卿母周氏師之始生靈夢發祥及入海雲院爲童子智光日顯釋書與儒典並進其師嘉之同見閩國王清獻公都中公大賞異留居外

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

館撫之如已子使其祝髮受具足戒師聞賢首家講法界觀徃聽之未及終章莞爾而笑曰一真法界圓同太虛但涉言辭卽成贋法縱獲天雨寶華於我奚益哉遂走建業見廣智訴公于大龍翔集慶寺廣智以文章道德傾動一世如張文穆公起巖張潞公翥危左丞素皆與之游以聲詩倡酬爲樂師微露文采珠潔璧光廣智及羣公見之大驚交相延譽唯恐後師之同袍嶼上人呵曰子才俊爽若此不思負荷大法且作詩騷奴僕乎無盡燈偈所謂黃葉飄飄者不知作何見解師舌噤不能答卽歸海雲晉中如礙巨

石目不交睫者踰月忽見秋葉吹墜于庭豁然有省機用彰明觸目無障師雖自慶幸然不取正有道恐涉偏執於是杖策遊虎林升雙徑山謁寂照端公自列其所證甚悉初寂照嘗以法器期師聞其言喜甚因勘辨之師隨機而答如隼落秋空而兔走荒原也精神參會不間一髮未幾命執侍左右以便咨叩俄遷主藏室師取三乘十二分教益溫繹之宗通說貫袞袞如懸江河聲光燁燁頓超諸老上元至正壬午江南行宣政院舉師出世昌國之隆教海濱之民暨清淨四衆手持香華百里驩迎如見諸佛師爲升座

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

說法不翅大將樹建旗鼓申令發號聞者靡不畏服
乙酉轉鄰刹普慈其激揚誘掖如隆教時戊戌江浙
行省左丞相達識帖穆爾兼領院事延師主杭之淨
慈兵燹之餘艱窘危厲人所不能堪師運量有力軌
範峻整綽有承平遺風較之普慈君子恒謂過之丞
相猶謂未盡尊師之道辛丑之秋復請住持徑山補
寂照故處師亦不辭而往風動四方考德者愈衆亡
賴男子瞿範日饗盤飧主庖者厭之瞿銜而去赴部
使者訴院之僚屬受賄誣師爲通衷私使者攝師問
狀師了無懼色癸卯省憲二府白其冤強師復還徑

山緇素駿奔如戴父母至有樂極而悲泣者

皇明龍興洪武癸丑 詔有道浮屠十人集京師大
天界寺而師實居其首以病不及 召對乙卯 賜
還穹窿山山卽海雲所在也戊午八月忽示微疾至
九月四日索筆書偈而逝九日行荼毗法火燄化成
五色有氣襲人如沈水香齒牙數珠不壞遺骨紺澤
類青琉璃色室利羅交綴于上是日其徒大均士龍
等藏于所居山之陰寶盈分爪髮歸徑山卜于無等
才公塔右瘞焉世壽六十八年爲僧五十一夏度第
子若干人嗣其法者若干人師長身山立昂然如孤

支那

馬公文集卷之二

上二

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

松在壑威令嚴肅其下無敢方命故所至百廢具興
然處事達變接引後進又如春風時雨之及物使人
不自知元帝師以爲賢爲錫今號云師在天界時濂
頗聞其緒論于其歿也上首弟子普慶住持道衍藉
是之故自狀其行來請銘夫圓明妙性實具二千四
聖六凡悉從中現諸佛不得已而說經雷動蟄驚風
行艸偃者爲明此性也諸祖不得已而忘經絕其枝
末直標其本根者亦明此性也性在是則道在是矣
奈何道喪性乖非惟學徒爲然至于師表當世者一
從事于末學曲藝之間以資清玩其去佛祖之道益

亦遠矣有如師者可不表之以爲東南龜鏡哉師出
世時穹窿山石夜走及涖普慈神降于人迹師清嚴
之狀天之生師殆不偶然四會語有錄其機緣已備
載之茲不敢勦入也銘曰

華梵諸祖所了唯心函乾蓋坤開陽闔陰萬彙芸芸
靡不苞括肯捐全軀而局一髮夾葉相仍軌轍弗殊
融通小大無礙無拘猗歟禪師神觀孤聳文彩漸彰
雲流山湧一旦易慮面壁自治攝念入定如斬棼絲
秋葉之零飄墮庭巵仰視青天一碧萬里我性之覺
證諸碩師機鋒交觸劖戟差出世海濱久天拱手

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9


撰述

發祥含徵白石夜走全提正印法鼓頻撾以眼聞者
斷除空華由其見凝轉識爲智珠璣落紙亦第一義
方嶽大臣遣使候迎師于南屏維德之馨名山列五
首曰雙徑匪私于師東南龜鏡輕僂小夫憐不自懲
皦皦白璧何憂蒼蠅風騰波掀萬辭嗟惜是非旣昭
重蒞舊席昔師之去泉流哭聲師今之旋卉木含榮
世緣已終微笑而滅設利如珠綴于紺骨未學競奔
曲藝宏施胡不反觀本實在斯遺光所被千載猶淺
瞻之仰之誰敢不勉

佛弟子戴天俊助銀壹兩
佛弟子丘淨孝助銀壹兩刻
愚菴及禪師語錄第十卷
長洲金之龍書 松陵非仲張雋對
崇禎二年己巳歲佛歡喜日姑蘇兜率園
識

伯樂
分印

愚菴及禪師語錄卷之十 終



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

